



SLUŽBENE NOVINE

KANTONA SARAJEVO

Godina XXVIII - Broj 28

Četvrtak, 29. 6. 2023. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), i člana 170. alineja 26. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18, 52/21 i 40/22), Vlada Kantona Sarajevo, na 13. sjednici održanoj 15.06.2023. godine, donijela je

UREDBU O IZMJENI UREDBE O PLAĆANJU TROŠKOVA DŽENAZE/SAHRANE/UKOPA ZA SOCIJALNE KATEGORIJE

Član 1.
(Izmjena člana 9.)

U Uredbi o plaćanju troškova dženaze/sahrane/ukopa za socijalne kategorije ("Službene novine Kantona Sarajevo", br. 31/17, 1/22 i 21/23) u članu 9. stav (3) broj "800,00" zamjenjuje se brojem: "960,00", a riječi: "osam stotina konvertibilnih maraka" zamjenjuju se riječima "devet stotina šezdeset konvertibilnih maraka".

Član 2.
(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.05.2023. godine.

Broj 02-04-27760-3/23
15. juna 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 20 a. stav (4) Zakona o radu ("Službene novine Federacije BiH", broj 26/16 i 89/18), Vlada Kantona Sarajevo, na 13. sjednici održanoj 15.06.2023. godine, donijela je

UREDBU

O DOPUNI UREDBE O POSTUPKU PRIJEMA U RADNI ODNOS U JAVNOM SEKTORU NA TERITORIJI KANTONA SARAJEVO

Član 1.
(Dopuna člana 5.)

U Uredbi o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj 19/21 i 10/22) u članu 5. iza stava (7) dodaje se novi stav (8) koji glasi:

"(8) Prijem u radni odnos na neodređeno vrijeme vrši se bez provedenog postupka obaveznog javnog oglašavanja za prijem u radni odnos za zdravstvene radnike koji su položili specijalistički ispit, nakon obavljenog specijalističkog staža, koji je u punom iznosu finansiran od strane Zavoda zdravstvenog osiguranja Kantona Sarajevo, u javnoj zdravstvenoj ustanovi sa kojom imaju zaključene ugovore o radu na određeno vrijeme."

Član 2.
(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-27760-32/23
15. juna 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) Vlada Kantona Sarajevo, na 13. sjednici održanoj 15.06.2023. godine, donijela je